

lebatis &c. In Edit. Maur. Vol. I. T. II. col. 583. rectius *Liber seu Tractatus* audit.

XII. fol. 148. praemisso tractandorum conspectu *Incipit liber Abbatis Clareuallensis de duodecim gradibus humilitatis*. Non male adderetur: *et superbiae*; haec enim Partis II. argumentum est. Init: *Rogasti me frater Gott. (fride) quatenus ea que de gradibus &c. Ut l. cit. col. 559. Lectio Codicis satis proba.*

XIII. fol. 168. *Epistola Abbatis Clareuallis ad abbatem Columbensis*. Et post illam: *Incipit liber de precepto et dispensatione*. Abbatem illum volunt *Rogerium Mauriani*, quorum *Admonitionem* huic Tractatui praemissam l. cit. col. 495. si lubet, adi. Epistolae initium est: *Rescriptum meum ad epistolas duorum carnotensium quorundam monachorum &c. Tò duorum non habuerunt in suis Editoribus. Cetera omnia integra.*

XIV. fol. 188. p. 2. *Sermones Ejusdem* II. quorum prior: *Omnes nobis causamur deesse gratiam &c. Alter: Magna est super nos dilectissimi magna ualde &c. Uterque inter Sermones de Diversis T. III. ille n. XVII. col. 1118. hic vero n. XXVII. col. 1139. Ille finit in verbis: contemplacionis proficere gradum, omiffa adclamatione: Eia fratres &c. hic integer est.*

CCCCXXI.

U. 99 Codex membranaceus lat. Sec.

XV. Folior. 71. 4. eleganter exa-

ratus, Fronte auro coloribusque et *Math. Corvini Hung.* Regis Insignibus ornatus, collabefcente hujus Bibliotheca ad *J. Alex. Brassicanum*, nescio quomodo, cum aliis pluribus devolutus, et tandem emtus ab *Job. Fabro* Antistite nostro continet: I. *D. Bernardi Claraevall.* Abbatis Libros V. de *Consideratione ad Eugenium III.* Pont. Rom. suum olim Alumnum, sine Capitum distinctione, Libris tantum litera quadrata picturata indicatis. Initium: *Subit animum dictare aliquid, quod te papa beatissime Eugeni uel edificet uel deletet uel confoletur.* &c. Conditio textus est infra editum T. II. edit. Maur. col. 407. Sunt tamen, quae expendi merentur. Ita statim ab initio lego: *et si ambules super pennas ventorum, subderis tamen affectui;* ubi Edita: *nec si ambules super pennas ventorum, subduceris affectui &c. Titulus operi nullus.*

II. fol. 44. pariter absque titulo Opusculum, quod in cit. *Bernhardi* edit. T. V. col. 319. *Meditationes piissimae de Cognitione humanae Conditionis*, in *Hugonis* vero de *S. Victore* Operibus *Rothom.* 1648. f. T. II. p. 132. *Liber I. de Anima* inscribitur. Indivisum decurrit, et incipit: *Multi multa sciunt et se ipsos nesciunt &c.* In Codicibus frequenter *Bernhardi* nomen, et titulum *de interiori Homine* praefert; *Mabillonio* tamen spurium visum est de causis, quas praevie movet. Neque *Rotbomagenses* pertinaciter *Hugoni* insistant. Exemplum nostrum ab Editis saepe variat, plerumque in pejus.

ius. Mox a principio inter verba: *pervenire ad cognitionem Dei*, et: *Quanto namque in cognitione mei proficio &c.* locum 10. linear. interferit: *Heu adberendo sic ueritati per cognicionem sed ab illa defluendo per amorem — tradidit illos deus in reprobum sensum.* Atque haec nimis parum nexus habent, ut non quaedam omiffa, aut interpolationem subdorer.

III. fol. 58. absque titulo, sed praeuia Epistola Hugonis Victorini Soliloquium de Arrha Animae, quod prostat T. *supracit.* p. 223. Initium Epistolae: *Dilecto fratri G. ceterisque seruis Christi Hamerisene* (Librarii fors Itali, quales *Corvinus* alebat, *σφαλμα* pro *Hamerislevene*, vel, ut habent Edita, *Hamerisleuæ*, *Hamerleben* Canonica reg. ad *Halberstadium*, in qua religiosam vitam Hugo stirpe *Blankenburgicus* auspiciatus erat) *degentibus Hugo* (Edita tantum literam *H.* habent) *qualiscumque uestre sanctitatis seruis &c.* Soliloquium dilectionis quod de arra anime intitulatum est, nisi &c. Edita *ἀλογον* nisi, ut etiam, *spiritualium* et *muneris*, ubi rectius Codex *spirituali* et *unius*. Est vero etiam, ubi peccat. Extrema: *hoc totis uiribus* (Edita *præcordiis*) *concupisco.*

CCCCXXII.

U. 100 Codex membranaceus lat. Sec. XIII. Folior. nunc 102. 4. nitide perscriptus, titulis miniatis, et quondam datus ad librariam collegij ducalis testamento M. Pauli

troppawer de wienna, ut ait theca anterior, D. Bernardi Sermones complectitur, tantoque majoris momenti est, quanto magis ad Auctoris aevum accedit. Sunt vero hi maximam partem de *Tempore* et de *Sanctis*, immixtis tamen etiam quibusdam de *Diversis*, et extant edit. *Maur.* T. III. unde singulos enumerare supervacaneum duxi, licet et Inscriptionibus, et lectione saepe ab Impressis variant. Quae nihilominus observanda censui, haec sunt: Fol. 9. Sermo in uigilia Nativ. inscribitur: *de sententia martirosij*; lege *Martyrologii*, ne quis fortasse *Martyrem Ossum* extundat. Fol. 10. p. 2. comparet: *De trina unione in tribus dei operibus et incarnatione Sermo bern. abbatis.* Tè incarnatione extritum est, et Sermo incipit: *Magna opera domini ait propheta. Magna quidem omnia eius opera fratres. siquidem et ipse magnus est, sed ad nos maxime spectant que in eis maxima esse uidentur. Hinc est quod psallit idem propheta dicens. Magnificauit dominus facere nobiscum. Denique quam magnifice nobiscum agat, specialiter tria quaedam eius opera clamant: prime creacionis, presentis redemptionis, future glorificacionis &c.* Haec itaque beneficia tribus pagg. expenduntur, et concluditur: *Merito denique caritatem et humilitatem sequitur glorificacio. quia sine caritate nichil prodesse potest.* Sermone hunc Bernardinis circumdatum in Bernardo non reperi; sapit tamen Bernardum, et ejus cogitata de *Satis farinae fide Mariae fer-*
men.